


醫學從眾錄

卷八下



閩吳航陳念祖修園甫著

次男元屏靈石參訂孫男心典藏卷全校字

隔症反胃

隔者阻隔不通不能納穀之謂也又謂之隔食病在胸膈之間也上焦出胃上言由胸中膈並胃中主消化升清別迴腸主濟泌此症二焦失職百無一生丹溪指為胃脘乾枯以四物湯入牛羊乳汁澆灌非注之類主之薛氏指為邪鬱傷肝肝木剋土以左金丸逍遙散六君子湯歸脾湯六味丸八味丸之類臨症要訣謂本此法以治氣隔晨吞八味丸百粒暮服暢衛湯開導其上滋補其下多效趙氏以此病多得之五因王醫本親乾陽丸偏寒煎熱津液三陽熱結則前後閉滯下既不通必反於上直犯清道上冲吸門須以六味丸料大劑煎飲久服可挽十中之一二然以余觀之隔症既成終無治法問曰既無治法豈真坐視其亡耶

修園曰即欲服藥亦不過盡人事而已吾鄉老醫某只守程氏啟膈飲一湯始服頗效久不增病然而痰火鬱氣阻逆於上者亦藉為引導也已任篇專取陽明以左歸飲如生地當歸亦所以開資門此門開則幽門此門開則大便潤之法也此數方之意皆仿於仲景大半夏湯用甘瀾蜜水之法而不知仲景取半夏以升降陰陽藉人參以重生津液復得蜜之滋潤灌溉流通而阻隔之患乃免程氏以半夏耗液為禁豈知仲景麥門冬湯及此方之微旨哉

張石頑云古人指噎膈為津液乾枯故水液可行乾物梗塞為枯在上焦余竊疑之若果津液枯槁何以食纔下咽涎隨上湧乎故知膈咽之間交通之氣不得降者皆衝脈上行逆氣所作也惟氣逆故水液不得居潤下之常隨氣逆湧耳若以津枯而用潤下之劑豈不反益其邪乎宜六君子湯加減挾寒脈遲細者加肉桂附子挾熱脈數滑者加枳實黃連若噎而聲不出者加五味子竹茹喉中有一塊食物不下者痰氣也加海石訶子膈間作痛多是瘀血加歸尾桃仁韭汁童便甚者加大黃微利之千金五噎丸五膈丸亦可擇用按張石頑主於衝脈上逆誠千古灼見亦從仲景大半夏湯悟出然必謂潤下之劑反益其邪是因其涎沫之多而狃於見症之陋習也衝脈不治取之

陽明故仲景以半夏降衝脈之逆即以白蜜潤陽明之燥加人參以生既亡之津液石頑此論得其平而遺其半也蓋人之胃中膏積如膏脂者謂之胃陰今因衝氣上逆口嘔出粘涎即日亡其胃陰尚得謂滋潤之劑宜屏絕乎余所以不敢阿好也

人鏡經曰內經云三陽結謂之隔蓋足太陽膀胱經水道不行手太陽小腸經津液枯涸足陽明胃經燥糞結聚所以飲食拒而不入縱入太倉還出噎噎人之腸胃一日一便乃常度也今隔食之人五七日不便陳物不去新物不納俗醫強分為五隔十噎支派既多併喪其實標本不明是以火裏煨薑湯中煮桂胡椒末已畢撥繼之丁香末已豆蔻繼之雖曰和胃胃本不虛雖曰溫脾脾本不寒此病之所以日盛也法當用三一承氣湯節次微下之後用芝麻飲噉之陳腐去而腸胃潔癥瘕盡而榮衛昌飲食自進矣

按此法雖偏而百無一生之症急用之尚有餘望不貽逡巡觀望何濟於事 反胃症朝食暮吐暮食朝吐初患

者尚可治王太僕云食不得入是有火也食入反出是無火也遵趙氏法以六味丸治隔症是壯水之主以制陽光以八味丸治反胃是益火之原以消陰翳而自愚論之食入反出脾失其消穀之能胃失其容受之能宜理中湯溫脾加麥芽以暢達一陽之氣與麥末消補同行土木不害而脾得盡其所能或吳茱萸湯溫胃積莖以鎮納厥陰之逆氣合參果甘溫相濟震坤合德而胃得盡其所能而猶恐中土大寒溫補太緩以乾薑吳萸附子薑搗蜜丸以火化之逆復恐燥熱上僭傷上焦網緼之氣以沙參白朮茯苓麥芽五穀蟲甘草白蔻仁為末厚裹於外又以硃砂六一散為衣使溫和之藥在外先行於上而辛熱之藥由中焦以直達命門熟腐水穀續以八味丸收其全功若病熱多甚第以八味丸緩服未免迂闊矣

子大吞二錢但飲熱湯及食椒薑煎者有瘀血也

診脈

浮緩而滑

沉緩而長皆可

弦濡短少為難

大半夏湯

方見金匱

啟膈飲

方見寶易

三一承氣湯

方見時方

按久病與羸敗之人前方未免太峻余用麻仁丸及

張石頑云有陽虛不能統運嘔逆便秘用人參大黃附子藥血在膈阻滯氣道而成者用抵當丸作茶

高鼓峰新方代之高鼓峰悟王損蒼治膈用大黃之妙融會一方頗為穩當方用熟地五錢當歸白芍桃仁麻仁各三錢微微潤之其形體如常即以前方內加大黃一二錢以助血藥

加減左歸飲經云腎乃胃之關闕門不利升降息矣關門即氣交之中天之樞也故腎旺則胃陰充胃陰充則能食

己任篇曰膈症一陽明盡之予治荆溪藩爾修

之隔用左歸飲去茯苓加生地當歸兩大劑而便潤食進又十劑而兩便如常飲食復舊蓋以左歸飲中有甘草則直走陽明以和其中且當歸生地合用則能清胃火以生其陰胃陰上濟則賁門寬展故飲食能進胃陰下達則幽門閉門皆滋潤故二便如常去茯苓者恐其分流入坎不若專顧陽明之效速也

和中暢衛湯

紫蘇梗 五分

香附 醋炒

神麴 炒

沙參 各一錢

桔梗

連翹 去子尖 各六分

木香 四分

蒼朮

撫芎

貝母 各八分

砂仁 三分

生薑 三片

水煎服易思蘭自註云香附蘇

梗開竅行氣蒼朮健中貝母開鬱痰連翹散六經之火撫芎發肝木之困神麴行脾之鬱木香逐氣流行桔梗升提肺氣沙參助正氣而不助火此方提上焦之火邪乃火鬱發之之義也然徒用此方而不兼補下之藥雖能解散於一時其火無水制必然復生而痞滿噎隔之疾恐尤甚於前也愚按內經云隔寒閉絕上下不通則暴憂之病也可見此病多起於鬱結不舒胃氣不能敷布所致張難峰所謂神思悶病是也方中雖是解鬱養藥而分兩多寡氣味配合似有獨得之妙又與八味丸間服所以多效喻嘉言謂液救焚湯與八味丸間服亦是此意但救焚湯大涼大降流於奇險不如此湯之平易近人也

五噎丸

治胸中久寒嘔逆妨食結氣不消

乾薑

蜀椒

吳茱萸

桂心

北細辛 各一兩

人參

白朮 各二兩

橘皮

茯苓 各一兩

附子 一枚

右為細末煉蜜丸桐子大酒服十五丸日三服漸加至三十丸

五膈丸

治飲食不得下手足冷上氣喘息

麥門冬 三兩

甘草 二兩

蜀椒 炒去

遠志肉

桂心

細辛

乾薑 各一兩

附子炮一枚

人參兩

右為細末煉白蜜丸彈子大先食噉一丸細嚥之喉中胸尚熱藥丸稍盡再噉一

丸日三夜二服七日愈 張石頑曰二丸同用參附椒辛薑桂之類一以肝氣上逆胃氣不下而嘔噎用芩橘以

疎肝降逆芩末以健脾通津一以腎氣不蒸肺胃枯槁而不納故用冬草以滋肺和胃遠志以補火生土又嘔噎

而藥食可進者頻與小丸調之膈塞而飲食不納者時用大丸噉之其立法之詳若此可不辨而忽諸

吳茱萸湯方見傷寒

理中湯方見傷寒

連理丸理中丸加黃連

八味丸方見時病

又效隔食反胃及嘔吐粒米不入

之症多係七情不遂激動其氣氣亂載血上逆苑積于中胃氣阻隔用生鵝血乘熱飲之取其生氣未離以血攻血

直透關鑰引宿積之痰一涌而出而胸脇豁然此法詳於蘇東坡瑣錄前輩金匱還公即韓慕虛東垣俱已驗效推

之生鴨血生黃牛血亦可用

西洋藥方錦囊秘授 治神隔食翻胃一切痢疾水瀉等症立驗

紅豆蔻去殼

肉豆蔻紙包壓去油

白豆蔻去殼

高良薑切片

甜肉桂去皮

公丁香略研

准五

先用上白冰糖四兩水一飯碗入銅鍋內煎化再入雞子清二個煎十餘沸入好燒酒一觔離火置穩

便處將藥末入銅鍋內打勻以火點著燒酒片刻隨即蓋鍋內火減用紗羅濾去渣入磁瓶內用冷水去火氣隨

量少飲之

繆仲清祕傳膈噎膏

人參濃汁

人乳

牛乳

梨汁

蔗汁

蘆根汁

龍眼濃汁 右

七味各等分加薑汁少許隔湯熬成膏于下煉蜜徐徐頻服之其效如仙丹

貝母糖酒方

好陳酒一觔

米糖十兩

貝母去心

砂仁

木香

陳皮各二

右咀片入磁瓶內

箬葉葉上放米一撮煮以米熟為度每日清晨服一大杯

薄薑餅 用糖坊內上好糖糟一觔

生薑四兩

先將糖糟打爛和薑再搗做小餅晒乾於磁瓶內置灶煙櫃

上每日清晨將餅一枚泡滾水內少停飲湯

八汁湯 治噎食

生藕汁

生薑汁

雪梨汁

蘿蔔汁

甘蔗汁

白菓汁

蜂蜜

竹瀝 右各一盞和勻飯上蒸熟任意食

牛羊人乳汁 治翻胃膈氣此證必起於腸枯血燥大便三四日一次糞如馬栗若如羊屎者不治日常吐白沫者

不治

牛乳

羊乳

人乳 不拘分兩總宜常服為生血潤腸之妙藥

瘧症

瘧疾不離少陽少陽為半表半裏邪居表裏之界入與陰爭則寒出與陽爭則熱爭則病作息則病止止後其邪仍據於少陽之經淺則一日一作深則二日一作更深則三日一作雖有別經總以少陽為主故仲景以弦字該本症之脈蓋於治法只一小柴胡湯熱多煩渴加知母花粉寒多身疼加乾薑桂枝治之得法一二服可愈朱丹溪云無汗要有汗散邪為主帶補正有汗要無汗補正為主帶散邪大抵於小柴胡湯中無汗麻黃可加一錢即三解湯意也有汗桂枝酒芍可各加二錢即柴胡桂枝湯意也如三五作不休即於前方加常山三錢一服即愈俗謂常山截瘧用之太早則截住邪氣而成他病不知常山祛痰涌吐從陰違陽之藥正所以鼓邪氣外出何截之有每合川山甲金銀花三味取其通達經絡又以人參當歸白朮何首烏之類擇用一二兩為君於瘧未出時服之多愈至於方書分定名色多歧反惑而所應別者如單寒無熱為牡瘧宜理中湯理陰煎加柴胡主之單熱無寒為瘧瘧或先熱後寒為熱瘧宜白虎湯加桂枝主之勞役飢飽過度為勞瘧宜補中益氣湯加柴胡主之受山嵐瘴氣為瘧瘧宜霍香正氣散平胃散加柴胡主之久瘧心腹有塊者名瘕母以蠶甲飲主之只此數症略宜分別究亦不離少陽一經也若瘧痢交作只以小柴胡湯疎少陽之氣則陷者自舉加花粉三錢滋陽明之液則滯者自通或即以此湯送香連九一錢五分挾虛者以補中益氣湯倍柴胡前送香連九二錢此薛立齋先生之心法也小柴胡湯

陽方見

男元犀按凡服治瘧藥瘧未至前三時服或煎兩服一服於瘧期五鼓時服留二服於瘧未至前一時服最妙
凡治瘧藥古法必露一宿以瘧為暑邪暑最得露而消也 又近醫以初瘧忌用人參白朮按此說本之嵩
崖尊生余雖不滿亦當從衆今即照嵩崖已去人參加青皮一錢五分 寒多加乾薑桂枝各二錢 熱多加知
母花粉各二錢或加黃連石膏 本方去人參加常山草果知母檳榔川貝母各二錢名清中驅瘧飲大意以無
痰不成瘧此方為治瘧之總方也然亦多效

驚甲飲

驚甲 三錢 醋炙

白朮 炒

黃耆

川芎

酒白芍

檳榔

草果 煨

厚朴

陳皮

甘草 各一錢

生薑 三片

東肉 三枚

烏梅 一個

水煎服

又有久瘧流連不愈及三陰瘧三日一作者當分五藏之虛而施溫補宜以景岳何人飲休瘧飲常服瘧作之期或
加少陽藥一二味及常山川山甲附子金銀花之類以通經絡或用人參一兩生薑一兩濃煎服之此不截之截法
也家貧者以冬白朮一二兩代之血虛者以當歸一兩代之 瘧雖有五藏之分而久瘧證治法只以補脾為主蓋
以上為萬物之母五臟六腑皆受陰陽為少陽之邪戊己之上久受甲木之剋扶弱抑強之法權實操於醫者
宜於六君子湯四君子湯補中益氣湯諸方加之意焉

何人飲

何首烏 一兩 不見 鐵或生用

人參 二三錢 或一兩

陳皮 一二錢 虛者不用

煨生薑 二三錢

以水煎服

休瘧飲

何首烏 四錢 或一兩 人參 二三錢

白朮 三錢 炒

當歸 三錢

炙草 一錢

陰陽水服

又久瘧不愈必求之腎如腎水不足熱多者以六味丸加味主之腎火不足寒多者以八味丸加味主之高鼓峰
醫案云余治一人三陰瘧不愈今吞八味丸服人參養榮湯冬至日再加附子一錢至半夜汗出而愈 汗出者陽 四之兆亦 日者以陽生而陰退也

瘡疾脈象

瘡脈自弦

浮弦表邪

沉弦裏邪

洪弦屬熱

遲弦屬寒

滑弦食積

久瘡之脈

微細虛弱

漸緩則愈

弦緊則殆

土敗雙弦

代散莫救

雄黃龜酒方

治三日久瘡神妙用活太烏龜一個連殼左右肩各攢一孔以明雄黃六錢研細末每孔摻入三錢外以磁黃泥包固勿令泄氣炭火上煨存性研末每服一錢空心陳酒送下二三服即止

香圓雄黃散

細末每服七分用軟腐衣作六七包好咽下此日不可吃湯水任其嘔去頑痰

斑貓截瘡丹

斑貓

巴豆肉

硃砂

麝香

雄黃

蟾酥

右用黑棗三枚搗

丸如菜豆大貼眉心一周時揭下投長流水中

常山草果散

常山

草果

川烏

草烏

陳皮

甘草

用絹袋盛貯間

於鼻間瘡即止不必煎服

椒雄貼臍丸

胡椒

雄精

右二味等分研末將飯研爛為丸如桐子大外以硃砂為衣將一九放在臍中外以膏

藥貼上瘡即止

木薑烏東丸

白木

生薑

右為細末將黑棗一斤煮爛去核為丸

桂麝椒雄膏

桂心

麝香

雄黃

川椒

共研極細末納臍中外以膏藥貼之

茅薤燒酒種福 治不論雙單瘧用大茅薤將好燒酒自春浸至秋間如瘧至不食飲食食則脹滿不下者每服茅

薤兩個三日即愈

痢症

王揖菴云痢症不外濕熱二字所受不外陽明一經陽明為多氣多血之府濕陰邪也濕勝於熱則傷陽明氣分而為白痢熱陽邪也熱勝於濕則傷陽明血分而為赤痢濕熱俱盛則為赤白俱見初病即以此藥湯主之太意以行血則膿血自愈調氣則後重自除真百發百中之奇方也若發熱頭痛脈浮而緊是風寒鬱而不解內陷而為痢宜以人參敗毒散鼓之外出苟得微汗其痢自鬆若徒用痢症藥殺人不少大抵痢症漸久漸虛而用藥亦宜漸補漸調四君子湯六君子湯四物湯補中益氣湯之類前送香連丸是薛立齋先生活法余遵用甚效

芍藥湯時方 治痢初起腹痛裏急後重者 小便短澀者加滑石二錢澤瀉錢半 腹痛者加砂仁一錢 滯澀

難出者加當歸白芍各錢半甚者加大黃一錢 若食積者加山楂三枚 白痢者加陳皮砂仁茯苓各一錢

紅痢者加川芎桃仁各一錢 紅白相雜者加川芎桃仁以理血滑石陳皮蒼朮以理氣 如嘔吐食不下者加

黑梔連子去殼三錢倉米三錢入生薑汁一滴緩緩呷之以瀉胃口之熱濕

人參敗毒散時方

加味平胃散

蒼朮二錢

陳皮

甘草各一錢

厚朴一錢五分

豬苓

黃芩

澤瀉各一錢五分

乾薑五分

白芍三錢

陳倉米五錢

水煎服

色紅去乾薑加當歸三錢黃連一錢

香連丸時方

張景岳謂痢症是夏月更熱貪涼過傷生冷至大火西流新涼得氣則伏陰內動應時而為下痢初起宜抑扶煎佐關前溫藥以調之導之久痢用胃關煎溫補命門真火以扶脾土則痢自止景岳此說雖偏不可盡信而陰藏之人素多寒病一有不慎即患此症不可不知余每於此症初起察其脈遲而細手足俱冷腹痛而裏急後重者以乾薑

二錢附子一錢吳萸一錢當歸三錢炙甘草一錢大黃白芍各一錢五分溫通之久痢每以八味丸與補中益氣湯間服收功栗穀訶子赤石脂肉豆蔻兜瀉之藥不可早服久痢亦不可廢 又噤口痢以人參一錢石蓮肉二錢川連一錢入生薑汁少許緩緩呷之 種福堂用五穀蟲三錢微炒研末以米湯送下又休息痢流連年餘不愈愈而又作是兜瀉太早餘邪未淨宜巴豆仁一錢研去油淨當歸一兩萊菔子五錢炒同研為末以冬蜜為丸如桐子大每空心以開水送下三九至七九以竭其餘邪自愈 張石頑曰血色鮮紫濃厚者屬熱若瘀晦稀淡如瑪瑙色者為陽虛不能制陰而下非溫理其氣則血不清理氣如爐冶分金最為捷法設不知此概行疎利之法使五液盡隨寒降而下安望有寧止之日哉 以伏龍肝二兩取其溫煖土臟煎湯代水煮參朮苓草薑桂等藥多取奇效五色痢是精氣受傷五液不守之患宜益火消陰實脾隄水兼分理其精氣即噤口不食者亦不出此法又曰丹溪治噤口痢多用石蓮子今此物真者絕無余常用藕汁煮熟稍加糖霜頻服兼進多年陳米稀糜調其胃氣取效此即石蓮子之意也 又曰休息痢服補中益氣數劑不應反下鮮紫血塊者此久風成痼泄風氣通於肝肝傷不能藏血也三奇散倍防風加羌葛升麻其一切利水破氣藥皆為切禁

三奇散 治痢後下重

枳殼生

防風各一兩

黃耆二兩

為散每服二錢米飲下

伏龍肝湯丸 治胎前下痢產後不止

炮黑山查肉 一兩

熬焦黑糖 二兩

二味一半為丸一半為末用伏龍肝二兩煎湯代水煎末二錢送前

丸二錢日三夜二服一晝夜令盡氣虛加人參二三錢以駕馭之虛熱加炮薑肉桂茯苓甘草兼感風寒加葱白香豉膈氣不舒磨沉香汁數匙調服

羊脂煎 治久痢不痊

金

羊脂 一匙

白蠟 二匙

黃連 末一升

酢 七合煎

蜜 七合煎

烏梅肉 二兩

亂髮 洗去垢膩

右七味合納沙鍋中湯上煎之攪可丸飲服如桐子大二十九日三服 張石頑曰羊脂性滑利千金方治

久痢不瘳專取滑利以通虛中留滯也且後且有羊脂阿膠滋養蠟黍米作粥方深得文帝本經補中寓瀉之意生死症及脈法

身不熱者輕 身熱者重 發熱不休者死 能食者輕 不能食者重 絕不食者死 發嘔者死 直腸自下者死 久痢忽天下結薑者死 小兒出痘後即發痢者死 婦人新產即發痢者死 瀉為血少 尺微厥逆滑大主積 浮弦急死 沉細無害

痢疾續論

次男元犀按近傳治痢有三禁一曰發汗蓋以下利一傷其津液發汗再傷其津液津液去則胃氣空而下出之濁氣隨汗勢而上入胃中遂成脹滿難治二曰利水蓋以痢疾裏急後重滯痛難忍若前陰過利而後陰愈瀉而積滯之物欲下其難三曰溫補蓋以痢為濕熱所傷得溫則以火濟火恐至腐腸莫救得補則截住邪氣多致流連難愈此三者時醫傳受之心法也然亦有可不泥者醫學真傳曰凡痢疾初起發熱不休非肌表有邪即經絡不和溫散而調榮衛外邪一解其痢自鬆若概以為熱開手即用寒涼多有陷入變劇者不少故喻嘉言所謂下痢必從汗先解其外後調其內首用辛涼以解其表次用苦寒以清其裏一二劑愈矣明治痢之方再加發表之藥失於表者外邪但從裏出不死不休故雖百日之速仍用逆流挽舟之法引其邪而出之於外則死症可活危症可安人參敗毒散主之服後必有暫時燥熱煩之邪從表出熱自解矣此可見發汗是治痢之要法也又喻嘉言有急開支河一法謂熱邪之在高源尤宜用辛涼之藥清肺之化源金匱有下利肺痛者紫參湯主之通因氣利詞黎勒散主之通以下涎液清宿食或結氣逆以因腸脫通塞互用之意也亦見利水非古人所忌也至於溫補法詳於景岳全書如佐關抑扶二煎非溫劑乎胃關煎非補劑乎雖矯枉之說不能無偏亦堪為肆用苓連查朴者之救弊也誰曰治痢有三禁乎 喻嘉言曰又有驟受暑濕之毒水穀傾囊而出一晝夜七八十行大瀉引水自救百杯不止此則腸胃為熱所攻頃刻腐爛更用逆挽之法迂矣遂合父母從內經通因通用之法大黃黃連甘草一晝夜連進三五十杯矣其利止渴緩乃治平調於

內更不必挽之於外蓋邪如決水轉石乘勢出盡勿可挽也 又曰治瘧之法當從少陽而進退其間進而從陽則從少陽為表法固矣乃痢疾之表亦當從少陽蓋水穀之氣由胃入腸疾趨而下始焉少陽生發之氣不伸繼焉少陽生發之氣轉陷故泛而求之三陽不若專而求之少陽俾營天清淨之氣足以升舉水土物產之味自然變化精微轉輸有度而無下利奔迫之苦矣泥兩陽明經所藏之津液既已下泄尤不可更發其汗當從少陽用和法全非發汗之意津液未傷者汗出無妨津液既傷者皮間微微得潤其下陷之氣已舉矣 小柴胡去半夏加栝樓根湯方見金匱 喻嘉言曰此方乃少陽經平表半裏之劑原方用半夏之辛溫半兼平表今改用栝樓之涼苦半兼平裏退而從陰則可進而從陽不勝其任矣但不必更求他藥惟於柴胡增一二倍用之尤為進之之法也

人參敗毒散方見時方 喻嘉言曰活人此方全不因痢而出但余所為逆挽之法推重此方蓋藉人參之大力而後

能逆挽之耳

胃關煎見池

佐關煎見池 治生冷傷脾瀉痢未久者宜此湯此胃關煎之佐也

厚朴炒

陳皮錢各一

山藥

扁豆

豬苓

澤瀉錢各二

乾薑錢三

肉桂錢一

甘草錢七分

水煎服

如腹痛者加木香吳茱萸之類泄甚者加故紙肉蔻之類

抑扶煎見景岳 治暴傷生冷致成瀉痢初起血氣未衰者此胃關煎表裏藥也

厚朴

陳皮

烏藥錢各一

豬苓

澤瀉

炮乾薑錢各二

茱萸錢五

甘草錢一

水煎服

斗門秘傳方方見時方 治毒痢臍府攣痛膿血赤白或下血片日夜不息及噤口惡痢他藥所不能治者立見神效

附子丸聖濟總錄 治洞泄寒中注下水穀或痢赤白食已即出食物不消春陽熱風邪氣流連至長夏發為洞泄陰生於午至未為甚長夏之時脾土當旺脾為陰

中之至陰故陰氣感陰氣既盛則生內寒而洞泄矣

附子

烏梅肉各一兩 川連江兩

乾薑半兩 蜜九 桐子 大米 飲下二十九

通聖散聖濟總錄

治血痢腹痛日夜無度

大棗

烏梅各三

甘草三錢

乾薑一錢五分

水煎服

和中散聖濟總錄

治冷熱痢腹痛裏急

附子

赤一錢四分 白一錢四分

川連白一錢四分 乳香一分五厘

共為末米飲湯下未止用青皮再下二服

黑豆湯聖濟總錄

治赤白痢服藥不止

黑豆

炒去皮

甘草二兩

用綿裹入湖水煎二杯分二服

醫學從眾錄卷六

傷暑

夏日炎炎耗傷元氣故病必體倦脈弱身熱自汗煩躁面垢唇青至東垣以動而得之為中熱靜而得之為傷暑熱陽而暑陰也其實未確蓋以暑字從日暑即熱也何必分名但動靜二字是陰陽分別茲仍分動以得之靜以得之以為此症提綱

何謂動以得之長途赤日荷重作勞因而致病如大熱

陽暑而發熱頭痛與傷寒症同但傷寒脈浮而緊傷暑脈洪而虛以此為辨香薷是解表却暑之藥夏月之用香薷與冬

月之用麻黃同義也

大渴脈浮虛自汗以白虎人參湯主之更加身體重著是暑而挾濕宜蒼木白虎湯主之若有吐瀉腹痛

此方不可輕用也若前症發熱身疼口渴咽乾或吐或瀉宜黃連香薷飲主之又有暑風症因暑氣鼓激痰火塞碍

心竅以致卒倒不省人事宜吐之或以千金消暑丸灌之

白虎湯

聖濟總錄

一加人參二錢名白虎人參湯治汗出惡寒身熱大渴等症一加蒼木二錢名蒼木白虎湯治汗出

身熱足冷等症

黃連香薷飲時方見

去黃連名香薷飲治同

暑風發搐加羌活秦艽各一錢

瀉利加白木茯苓各一錢五分

虛汗不止加白木一錢五分炙黃耆三錢

心煩加梔子硃砂各一錢

嘔吐加半夏二錢藿香陳皮各八分薑

汁少許

何謂靜以得之避暑於深堂大廈為陰寒所遏暑不得越手足厥逆者大順散主之霍亂吐瀉口渴者五苓散主之不渴者理中湯主之亦有以二湯送下六一散三錢者巧法不可言傳也大順散

乾薑一錢

甘草八分

杏仁六分

肉桂六分

共為末每服五錢水一鍾煎七分服如煩躁并花

調下三四五錢

又有遇夏即病秋後即愈是暑傷元氣如草木遇盛日則茂得雨露則挺名曰注夏証宜補中益氣湯照薛氏醫案去升麻柴胡加麥冬一錢五分黃柏各五分炮薑三分服三四劑又生脈散清暑益氣湯六一散皆却暑之良方一切暑病不可須臾離之學者當於三方求其奧旨難以縷陳

脈法

傷暑脈洪而虛

大蒜新汲水方 治中暑法

大蒜一把 同新黃土研爛以新汲水和之濾去渣灌入即活凡中暑傷暑不可便與冷物俟稍甦方可投冷物則中氣運動無患也

田中乾泥圍臍方 治中暑昏眩煩悶欲絕急救法取田中乾泥做一圍堆在病人肚上使少壯人撒尿於泥圍肚臍中片時即得甦矣後不可飲冷湯須進溫米湯

絲瓜白梅方 治中暑霍亂

絲瓜葉一片

白霜梅一枚並核中仁

右同研極爛將新汲水調服入口立瘥切不可飲熱湯

陳皮藿香湯 治傷暑急暴霍亂吐瀉方

陳皮五錢

藿香五分

右用土澄清水二杯煎一杯服之立愈

扁豆飲

治傷暑取扁豆葉搗汁一碗飲之立愈

鹽薑湯

治傷暑霍亂上不得汗下不得瀉身出冷汗危在頃刻者

食鹽

一兩

生薑五錢

切片

同炒變色以水一大碗煎服吐出自愈不可熱服好後切不可遽吃飯食俟餓極

後方可吃稀粥

取新汲水法

俱見種福堂

治中暑昏眩煩悶欲絕急救挖地深三尺取新汲水傾入坑內攪濁飲數甌即愈

腫症

腫者腫於外脹者脹於內二症宜分看然二症相因亦宜合看

腫者皮膚腫大古人有氣水之分其實氣滯則水不行水不行則氣愈滯二者相因為病水脹篇以按其腹脅而不
起者為氣腫按其腹隨手而起如囊裏水之狀者為水腫景岳反其說以水症按之實而不起此水在肉中如糟如
泥之象未必如水囊之比按之隨起惟虛無之氣其速乃然余閱歷之久知二說亦不必拘大抵腫微則按之隨起
腫甚則按之不起兩脇及轉動之處按之即起足面及膝股內側按之不起辨症不必以此為憑當於小便之利與
不利以分陰陽身之多熱與多寒脈之洪大與細微以分寒熱病之起於驟然與成於積漸及年高多病與少壯無
病之人分其虛實以先腹而後及四肢或先四肢而後及於腹分其順逆景岳云水氣本為同類治水者當兼理氣
益氣則水自化也治氣者亦當兼行水以氣行而水亦行也此症當與癰閉症參看 初患腫病氣喘不得臥以五
皮飲為第一方蓋此方以皮治皮不傷中氣所以為妙 若腫而兼脹小水不利宜胃苓湯主之或以四苓散以半
熟蔞搗丸服極妙

五皮散

按上身腫宜發汗加蘇葉荆芥秦艽各一錢五分 下身腫宜利水加赤小豆木通各一錢五分枳已一

錢

口渴多熱小便不利為陽水加滑石木通車前子麥冬各一錢五分木香五分 不渴小便自利多寒為陰

水加白朮蒼朮各二錢附子乾薑木香各一錢 脈滑實腹脹腸滿加生腹子一錢五分白芥子八分枳實一錢

半夏二錢 婦人經水不調而腫是血化為水名水分加紅花八分桃仁香附各一錢五分婦人經水適斷即腫

是水化為血名氣分加當歸三錢五靈脂醋炒一錢五分香附一錢五分 按服此方愈後必加減腎氣丸及六

君子湯之類收功

胃發散妙用

四苓散加味為丸

白朮炒 兩

茯苓二兩

豬苓一兩

澤瀉一兩

研末以半熟蒜為丸如菴豆大開水送下三五錢

腫症精漸而成及久而不愈氣喘口渴不臥腹脹小便短少大便微溏一切危症不外薛氏加減腎氣丸主之 張

景岳曰內經云腎為胃關關門不利故聚水而從其類也然關門而何以不利也經曰膀胱者州都之官津液藏焉

氣化則能出矣夫所謂氣化者即腎中之氣也即陰中之火也陰中無陽則氣不能化所以水道不通溢而為腫故

凡治氣者必先治水治水者必先治氣若氣不能化則水必不利惟下焦之真氣得行始能傳化惟下焦之真水得

位始能分清求之古法惟薛立齋先生加減腎氣丸誠對症之方也余屢用之無不見效薛氏加減腎氣丸

熟地四兩

山茱肉

丹皮

牛膝

澤瀉

車前

肉桂各一兩

附子五錢

煉蜜丸如桐子大每服三錢開水送下一日兩服 如素稟陽盛

三焦多火煩渴面赤喘嗽脈滑實此濕熱相因陰虛之證去桂附加麥冬主之醫學心悟云下焦濕熱去桂附加

黃柏蛤蚧粉最妙

麻黃附子湯方見金匱 去附子加杏子石膏名杏子湯

又明醫指掌云腫勢太盛內而膀胱外而陰囊相連緊急阻塞道路雖加利水之劑苦無一線之通病何由去必開

大便以逐其水隨下而腫補則病已去而脾無恙漸為調理庶可得生慎毋守利水之舊規也如腫勢未盛還以利

水為上策 按此法惟少年體壯可以偶用否則不可輕試

脈色 脈沉遲大便滑小便利口不渴面青白為陰 脈沉數大便燥小便赤口渴面赤為陽 大抵脈喜浮大忌遲細

仲景云水腫脈浮者死謂腫盛皮膚甚厚脈浮於皮毛之外輕捫之如隔一紙是死脈

腫脹危候

大凡水腫先起於腹而後散四肢者可治先起於四肢而後歸於腹者難治 掌腫無紋者死 大便滑泄水腫不消者死 昏黑脣腫齒焦者死 臍腫突出者死 缺盆平者死 陰囊及莖俱腫者死 脈絕口張足腫者死 足跗腫膝如斗者死 肚上青筋見瀉後腹腫者死 男從身下腫上女從身上腫下皆難治

燈草蘿蔔湯種福 治腫脹

燈草一把先將水四碗煎至二大碗 蘿蔔子一兩微炒 砂仁二錢微炒 將二味研末傾入燈草湯內略滾即盛入壺內慢

慢吃下吃盡不見效如前再煎一服俟腹响放屁小便長腫即退

脹症宜參看腫症

脹者心腹脹滿實者脹起於驟然便實脈滑而實宜散之消導之攻下之虛者脹成於積漸小便利大便滑脈濇小虛微病在中焦以參朮補之病在下焦以桂附吳茱萸溫之或兼行滯之品而標本並治亦有與腫症相兼者當察看腫症辨症法

脹而屬熱脈實而滑者廓清飲主之

廓清飲

枳殼二錢 薑朴一錢五分 大腹皮一錢 白芥子五七分或一二錢 茯苓皮二錢 萊菔子生搗一錢如中不甚

澤瀉一錢 陳皮一錢 水煎服

脹而屬寒者胃苓湯主之兼小便利者四苓散以蘇為丸主之二方見腫症

脹而屬七情所致者宜四七湯主之逍遙散亦主之

四七湯

半夏三錢 茯苓三錢 厚朴二錢 蘇葉一錢 生薑三片 水煎服 此方妙在紫蘇葉一味

辛以散結香以醒脾而順氣消脹行水乃其餘事